



IRAGARKIA

Udalbatzak, 2023ko abenduaren 13an egindako ohiko bilkuran, **erabaki zuen hasierako onespena ematea hiri hondakin solidoak biltzeko zerbitzuaren eta ibilgailuak bide publikotik kentzeko zerbitzuaren tasak arautzen dituen ordenantza fiskalari.**

Agiria jendaurrean egon den bitartean erreklamaziorik aurkeztu ez denez gero, **behin betiko onetsizat jotzen da.** Hona hemen:

HIRI HONDAKIN SOLIDOAK BILTZEKO ZERBITZUAREN ETA IBILGAILUAK BIDE PUBLIKOTIK KENTZEKO ZERBITZUAREN TASAK ARAUTZEN DITUEN ORDENANTZA FISKALA

I. Xedapen orokorrak

1. artikulua

Dulantziko Udalak, Arabako Lurralde Historikoko Toki Ogasunak arautzen dituen uztailearen 19ko 41/1989 Foru Arauak 20. artikuluan xedatutakoarekin bat etorritik, tasak ezarri eta eskatzen ditu ordenantza honetan, zerbitzu publikoak eskaintzeagatik edo jarduera hauek egiteagatik:

- I. epigrafea. Hiri hondakin solidoak bildu, tratatu eta deuseztatzeko zerbitzua.
- II. epigrafea. Ibilgailuak bide publikotik kentzeko zerbitzua.

Ordenantza hau Dulantziko udalerrri osoan aplikatzen da.

II. Zerga egitatea

2. artikulua

- Zerga egitatea da zerbitzu publikoak ematea edo udalaren eskumeneko administrazio jarduerak egitea, baldin eta subjektu pasiboari badagozkie edo batez ere haiei eragin edo onura ematen badiete, 41/1989 Foru Arauak 20. artikuluan xedatutakoarekin bat etorritik.
- Administrazio jarduerak edo zerbitzuak subjektu pasiboari eragiten diola edo hari erreferentzia egiten diola ulertuko da, baldin eta subjektu pasiboak berak eragin badu, zuzenean edo zeharka, berak egindakoagatik edo ez egindakoagatik, eta horren ondorioz Dulantziko Udalak ofizioz jarduerak egin edo zerbitzuak eman behar baditu, segurtasun zein osasun arrazoiengatik, herritarrek zerbaitez hornitu behar dituelako, edo hirigintza arloko zein beste edozein arlotako arrazoi bada tarteko.
- Zerbitzuak ematearen tasa ezarrita ere, horrek ez du esan nahi zerbitzu horiek ezartzeak edo gehitzeak sor litzakeen kontribuzio bereziak ordainarazi beharko ez direnik.

III. Subjektu pasiboak

3. artikulua

- Subjektu pasibo zergadunak dira pertsona fisiko zein juridikoak eta Arabako Lurralde Historikoko zergei buruzko Foru Arau Orokorrak 35. artikuluko 3. paragrafoan aipatzen dituen erakundeak, baldin eta zerbitzua emateko eskatzen badute edo haren onuraz gozatzen badute edo hark eragiten badie.
- Etxebizitzen edo lokalen erabiltzaileei onura eman edo eragiten dieten zerbitzuak emateagatik edo jarduerak egiteagatik ezarritako tasak ordaintzeko, ondasun higiezin horien jabeak izango dira zergadunaren ordezkioak, eta haiek kuotak ordainarazi ahal izango dizkiete onuradunei, hala dagokionean.

IV. Salbuespenak, murrizketak eta hobariak

4. artikulua

Ordenantza honek bere epigrafe bakoitzean xedaturikoaren mende egongo da salbuespenak, murrizketak, hobariak eta beste onura fiskal batzuk ematea.



V. Zerga oinarria

5. artikulua

Dena delako zerbitzu edo jardueraren kostu erreala edo aurreikusitakoa da zerga oinarria, kontuan hartuta zer zuzeneko gastuk edo zeharkakok osatzen duten zerbitzuaren edo jardueraren kostu osoa, baita zer finantza gastu egon den, higiezinetatik zer amortizatu den, eta zer gastu orokor egin den ere, kontribuzio berezien bidez ordaindu ez direnak.

VI. Kuota

6. artikulua

1. Zerga kuota zehazteko, epigrafe bakoitzak jasoriko tarifetatik, egokitzen dena aplikatuko da, betiere hura aplikatzeko arauen arabera.

VII. Sortzapena eta zergaldia

7. artikulua

Tasa noiz sortzen den:

- a) Zerbitzua ematen edo jarduera egiten hastearekin batera; nolana ere, lanari ekin aurretik zenbateko osoa edo zati bat jartzeko eska daiteke.
- b) Jarduera edo espedientea abiarazteko eskaera aurkezten denean, zeina ezin izango baita egin edo izapidetu ordaindu beharrekoa ordaindu arte.

VIII. Likidazioa eta ordainketa

8. artikulua

Dulantziko udal administrazioak egingo ditu kontzeptu bakoitzarengatik egin beharreko likidazioak, kasuan kasuko tarifetan jasoriko ordainarazpen bakoitzaren arau berezien arabera. Dena den, tasak autolikidazioaren bidez ordaintzeko ere eskatu ahal izango da.

IX. Tasen kudeaketa

9. artikulua

Arabako Zergen otsailaren 28ko 6/2005 Foru Arau Orokorrek eta indarreko lege xedapenek ezarritakoa aplikatuko da ordenantza honek araututako tasen likidazio, dirubilketa eta ikuskatzearen gaineko guztian, eta zergen arau hausteen kalifikazioaren eta kasuan kasu ezarri beharreko zehapenak zehaztearen gaineko guztian.

Azken xedapena

ALHAOn behin betiko argitaratzen denean hasiko da aplikatzen zerga ordenantza hau, eta indarrean jarraituko du harik eta berriaz aldatzea edo indargabetzea erabakitzen den arte.

I. epigrafea. Hiri hondakin solidoak bildu, tratatu eta deuseztatzeko udal zerbitzua ematea

I. Ordainarazten den gaia

1. artikulua

Kontzeptu hauengatik ematen diren zerbitzuek eragiten dute ordenantza honetan araututako tasa ordaindu beharra:

- a) Etxebizitza, egoitza, laboretegi eta industria establezimendu, merkataritza establezimendu eta antzekoetako zaborrak eta hondakinak bildu, garraiatu eta tratatzea.
- b) Berokuntza zentralen ondorioz sortutako zepa eta errautsa bildu, garraiatu eta tratatzea.



- c) Udalaren bide publikoetara bota diren edo han utzi diren zaborrak eta obra hondakinak kendu, garraiatu eta tratatzea.

Hori guztia, bai udalak berak zerbitzua zuzenean kudeatu, bai Arabako Lautadako Kuadrillaren, udal enpresaren baten zein kontratistaren baten bitartez.

II. Subjektu pasiboak

2. artikulua

1. Zaborrak biltzeko zerbitzua jasotzeagatik ordaindu beharreko tasen subjektu pasiboak dira, zergadunak diren aldetik, Arabako zergei buruzko Foru Arau Orokorrak 35.3 artikuluan aipatzen dituen pertsona fisiko zein juridikoak eta erakundeak, baldin eta ordenantza honetan araututako udal zerbitzu edo jarduerak eskatzen badituzte eta haien onuraz gozatzeko badute edo eragin egiten badiete.
2. Administrazio jarduerak edo zerbitzuak subjektu pasiboari eragingo dio, edo hari egingo zaio, baldin eta hark eragin badu zuzenean edo zeharka, berak egindakoagatik edo ez egindakoagatik eta, horren ondorioz, udalak ofizioz jarduerak egin edo zerbitzuak eman behar baditu.
3. Lokalen erabiltzaileei onura ematen dieten zerbitzuak emateagatik edo jarduerak egiteagatik ezarritako tasak ordaintzeko, ondasun horien jabeak izango dira zergadunaren ordezkokoak, eta haiek ordainarazi ahal izango dizkiete onuradunei kuotak, hala badagokio.

3. artikulua

Zaborrak biltzeko zerbitzua ematea udalarentzat derrigorrezkoa denean, tasa sortuko da nahiz eta interesa dutenek zerbitzu horien erabilerarik sorrarazten ez duten. Gainerakoek borondatezko izaera izango dute eta eskatuta emango dira.

4. artikulua

Derrigorrean eman behariko zaie hauei zaborra biltzeko zerbitzua: familien etxebizitza, ostatu, hotel, elizaren etxe, klinika, ikastetxe, egoitza, bulego, biltegi eta gastronomia elkarteei; baita industria eta merkataritza jardueren, jarduera profesionalen, eta zerbitzuen jardueren kokagune diren edo izan daitezkeen lokalei ere.

Zaborrak biltzeko udal zerbitzua higiezinaren kokaleku den zonan dagoenean eta funtzionatzen ari denean joko da emantzat zerbitzua.

Higiezinan inor bizi ez bada ere, berdin ordaindu behar da tasa.

Borondatezkoa da bildu, garraiatu, bota eta deuseztatzea fabrika eta lantegien industria prozesuetan eta lanketan sortutako hondakin solidoak; obra eta eraispentetan pilatutako hondakin eta lurrak; ospitale, klinika eta osasun zentroen detrituak, eta material kutsatuak edo arriskutsuak.

III. Zerga oinarria eta salbuespenak

5. artikulua

Zerga oinarria ordenantza honetako xedapen orokorretako 5. artikuluan jasotzen dena izango da.

6. artikulua

Tasa honetatik salbuetsita daude Dulantziko Udalarenak diren higiezinak eta bertako administrazio batzarrenak, beren helburuak betetzeko erabiltzen badira.

Ez dira salbuetsiko etxebizitza edo lokalen errentadunak, etxebizitza eta lokalok udalarenak izan zein administrazio batzarrenak; ez eta udal ondasunen emakidadunak eta lagapendunak ere.



IV. Zerga kuota

7. artikulua

Tasa honi loturiko zergadunek tarifa hauek ordainduko dituzte:

Tarifa	Higiezinako jardueraren deskribapena	Hiruhileko kuota
1	Etxebizitzak	15,62 euro
2	Gehienez 50 m2 dituzten taberna eta kafetegiak eta gastronomia elkarteak	43,21 euro
3	50 m2 baino gehiago dituzten tabernak eta kafetegiak	71,98 euro
4	Jatetxeak eta jantoki kolektiboak	149,21 euro
5	Ostatuak, hotelak, aterpetxeak, landetxeak eta egoitzak	149,20 euro
6	Txokoak	11,57 euro
7	Gehienez 50 m2 dituzten janari dendak	43,20 euro
8	50 m2 baino gehiago dituzten janari dendak	112,71 euro
9	Zerbitzuguneak, gasolina hornitzaileak	149,21 euro
10	Klinikak, egoitza geriatrikoak, anbulatorioak	149,21 euro
11	Elizak eta elizaren beste etxe batzuk	43,21 euro
12	Merkataritzako beste establezimendu batzuk edo establezimendu profesionalak	43,21 euro
13	Banku, aurrezki kutxa eta aseguru etxeak	107,96 euro
14	Nekazaritza biltegiak eta abeltzaintzako instalazioak	43,21 euro
15	Gehienez 1000 m2 dituzten lantegi, biltegi eta industriak	43,21 euro
17	1000 m2 baino gehiago dituzten lantegi, biltegi eta industriak	71,98 euro
18	Merkataritza jarduerarik ez duten lonjak eta beste erabilera batzuk	9,79 euro

Higiezin berean erabilera bat baino gehiago egiten bada, erabilerarik garestienaren tarifa aplikatuko da.

V. Sortzapena eta zergaldia

8. artikulua

1. Tasaren zerga egitatea den zerbitzua edo udal jarduera hasten denean sortzen da tasa, bai eta hori ordaintzeko beharra ere. Ondorio horretarako, higiezinaren kokaleku diren kaleetan edo lekuetan dagoenean etxebizitzetako zaborrak biltzeko udal zerbitzua eta hura funtzionatzen ari denean joko da emantzat zerbitzua.

2. Aurreko puntuan jasorikoa gorabehera, zerbitzuak borondatezkoak badira eta aldeak eskatzen baditu, zerbitzua emateko baimena ematen denean sortuko da zerga ordaindu beharra.

VI. Tasen likidazioa, ordainketa eta kudeaketa

9. artikulua

Hiru hilabeteen behin ordaindu beharko dira zerbitzua jasotzeagatik kuota, ezin daitezke murriztu, eta ordainagirien bidez kobratuko dira.

Zerbitzua erabili edo jasotzen den hiruhilekoko lehenengo egunean sortuko da tasa, epígrafe honetako 4. artikuluan xedatutakoarekin bat etorritik.

10. artikulua

Aurkeztu beharreko alta, baja eta aldaketa aitortpenak aurkeztu beharko dituzte subjektu pasiboek udal honetan, eta tasa behar bezala aplikatzeko beharrezkoak diren datuak eman beharko dituzte.

Zein hiruhilekotan eskatzen diren, hiruhileko horretako lehen egunetik aurrera sortuko dute eragina altek.



Zein hiruhilekotan eskatzen diren, hurrengo hiruhilekoko lehen egunetik aurrera sortuko dute eragina bajek.

Zerbitzuan egiten diren alta guztiak banku erakundeen bidez helbideratu beharko dira.

11. artikulua

Hiruhilekoa bukatu ondoren kobratuko dira kuotak.

Ordaintzera behartuta daudenek hiruhilekoa bukatu eta hurrengo hilabetearen 25a edo ondorengo lehenengo egun balioduna baino lehenago ordaindu beharko dituzte ordainagiriak borondatezko epean.

II. epigrafea. Ibilgailuak bide publikotik kentzeko udal zerbitzua ematea

I. Xedea

1. artikulua

Tasa honen xedea da ibilgailuak bide publikotik kentzea, baldin eta ibilgailu horiek zirkulazioa oztopatu, eragotzi edo moteltzen badute, zirkulaziorako arriskugarriak badira edo alorreko beste lege mailako arau batzuetan horrela xedatuta badago.

II. Subjektu pasiboak

2. artikulua

Ordaintzera behartuta daude zerbitzua eragin duten pertsonak, halakotzat hartuz bidetik kendutako ibilgailuen gidariak, eta, era subsidiarioan, haien titularrak, salbu eta ibilgailuak bidegabe erabili badira, eta hori justifikatzen badute.

III. Zerga oinarria

3. artikulua

Zerga oinarria izango da enpresa espezializatu baten zerbitzua kontratatzearen kostua eta espedienteak kudeatzeko administrazio jarduera.

IV. Zerga kuota

4. artikulua

Kudeaketa tasa: 100 euro.

Tasa honi loturiko zergadunek ordaindu beharko dutena da zerga oinarriari ehuneko 115eko zerga tasa aplikatuzetik sortutako zenbatekoa.

V. Sortzapena

5. artikulua

Ordaindu beharra sortzen da ibilgailua kentzeko lanak hasten direnean, eta hasi direla ulertzen da kendu behar den ibilgailuaren ondoan dagoenean garabia.

VI. Likidazioa eta ordainketa

6. artikulua

Dulantziko udal administrazioak gorago xedatu denarekin bat etorritik likidatuko du tasaren zenbatekoa.



Likidazioan noiz ordaindu jakinaraziko da, zergei buruzko foru arau orokorrak ezarritakoarekin bat etorriz.

Guztiek jakin dezaten argitaratzen da.

Alegria-Dulantzi, 2024ko martxoaren 27an
ALKATEA

Joseba Koldo Garaitigoitia Odria

ELEKTRONIKOKI SINATUTAKO DOKUMENTUA